

爾雅郭注義疏中之五

棲霞郝懿行纂

釋地第九

地者說文云元氣初分輕清陽為天重濁陰為地萬物所陳列也釋名云地者底也

其體底下載萬物也亦言諦也五土所生莫不審也

也白虎通云地者易也言養萬物懷任交易變化

釋文引張顯古今訓云土乙力為地許慎注淮南子

云地麗也物理論云地底也著也陰體下著禮統云

地施也諦也應變化審諦不誤按大司徒云以天

下土地之圖周知九州之地域廣輪之數辨其山林

川澤丘陵墳衍原隰之名物此篇所釋自九州以訖

四極其間陵藪異名原野異勢五方異氣莫不備載

下篇釋土釋山釋水皆

地之事故總曰釋地

兩河閒曰冀州

自東河至西河

冀者說文云北方州也釋名云冀州取地以爲名也其地有險有易帝王所都亂則冀治弱則冀強荒則冀豐也釋文引李巡云兩河閒其氣清厥性相近故曰冀冀近也按職方云河內曰冀州此云兩河閒者卽兩河之內也言東河西河不言南河者以豫州見之又古以冀爲中州之通名穀梁傳云鄭同姓之國也在乎冀州淮南覽冥篇注冀九州中謂今四海之內大荒北經注冀州中土也竝與爾雅義異

河南曰豫州

自南河至漢

豫者釋詁云安也釋名云豫州地在九州之中京師東都所居常安豫也釋文引春秋元命苞云豫之言序也言陽氣分布各得其處故其氣平靜多序也又引李巡云河南其氣著密厥性安舒故曰豫豫舒也按禹貢豫州以荆河爲界爾雅豫州以漢水爲界知者以下文漢南曰荊州荊在漢南明豫在漢北矣郭云自南河至漢公羊莊十年疏引孫氏郭氏皆云自東河至西河之南曰豫州與今本郭注異

河西曰雒州自西河至黑水

雒者鬻之段借說文作鬻隸作雍釋名云雍州在四山之內雍翳也釋文云雍者擁也東嶠西漢南商於北居庸四山之內擁翳也李巡云河西其氣蔽壅厥性急凶故曰雍雍壅也又引太康地記云雍州兼得梁州之地西北之位陽所不及陰氣壅闕故取名焉按周禮及爾雅皆無梁州則雍州兼有梁州之地也禹貢雍梁皆西界黑水故郭據以為言至漢改雍梁為益州今其地則四川也

漢南曰荊州自漢南至衡山之陽

說文云荊楚木也釋名云荊州取名於荊山也必取荊為名者荊警也南蠻數為寇逆其民有道後服無道先彊常警備之也邢疏引李巡云漢南其氣燥剛稟性強梁故曰荊荊強也按禹貢荊州言荊及衡陽爾雅言漢南者衡陽舉其南界漢南舉其北界也漢北即豫州界

江南曰揚州

自江南至海

揚者釋名云揚州之界多水水波揚也釋文引太康地記云以揚州漸太陽位天氣奮揚履正含文明故取名焉禹貢正義引李巡云江南其氣燥勁厥性輕揚故曰揚揚輕也案禹貢言淮海惟揚州公羊疏引鄭注揚州界自淮而南至海以東也爾雅變淮言江者明揚徐二州以江為界江南為揚州即知江北為徐州矣郭云自江南至海公羊疏引孫氏郭氏曰自江至南海也蓋至南二字誤倒當以今本為是

濟河閒曰兗州

自河東至濟

濟兗說文作洧洧云洧洧也東入于海洧水出河東東垣王屋山東為洧釋名云兗州取兗水以為名也類聚六引春秋元命苞曰兗之言端也按兗州界東南據濟西北據河是在濟河閒也釋文及公羊疏引李巡云濟河閒其氣專質厥性信謹疏引議假謙故曰兗兗信也

濟東曰徐州自濟東至海

徐州者釋文引太康地記以為取徐正為名釋名云徐舒也土氣舒緩也公羊疏引李巡曰濟東至海疇議刪三作雜其氣寬舒稟性安徐徐舒也又引孫炎與郭注同按禹貢徐州界東至海北至岱南至淮爾雅舉濟東為言者殷仍夏制徐克二州以濟為界濟西為克東為徐也至周并徐於青與夏殷異太康地記周合其地於青州是矣

燕曰幽州自易水至北狄

燕說文作薊云地名釋名云燕宛也北方沙漠平廣此地狂涿鹿山南宛宛然以為國都也幽州在北幽昧之地也釋文引李巡云燕其氣淡要厥性剽疾故曰幽幽要也又引太康地記以為因於幽都為名或云北方太陰故以幽冥為號二者相依也按職方云東北曰幽州正北曰并州禹貢合幽於冀爾雅合并

於幽公羊疏引孫郭竝云自易水至北狄也據職方
涑易并州川漫昭余祁并州澤藪爾雅十藪燕有昭

余祁此注易水屬燕
是皆并合於幽之證

齊曰營州

自岱東至海
此蓋殷制

齊者以天齊淵水而得名史記封禪書云齊所以為
齊以天齊也集解蘇林曰當天中中齊鬱離謂解
備賦楠韻詠濟稊之腺離也釋名云齊齊也地在勃
海之南勃齊之中也營州者釋名云古有營州齊衛
之地於天文屬營室取其名也公羊疏引李巡曰齊
其氣清舒受性平均故曰營營平也今為青州又引
孫郭竝云自岱東至海木禹貢青州界而言也釋文
營者蓋取營工以為號引博物志云營與青同海東
有青工齊有營工豈是名乎按說苑辨物篇本爾雅
作齊曰青州是營即青矣禹貢正義引漢末公孫度
據遼東自號青州刺史以為堯時青州營州當越海而有
遼東也舜為十二州分青州為營州營州即遼東其

說南禮周禮異故疑爲殷制今按十載多異職方疑亦殷制
是矣郭云此蓋殷制者釋文引李郭同詩周南召
譜正義引孫炎曰此蓋殷制禹貢有梁青無幽營
有幽并無徐營是孫炎以爾雅之文與禹貢周
禮異故疑爲殷制今按十載多異職方疑亦殷制

九州堯以來說文云水中可居曰州周遠其旁

從重川魯堯遭洪水民居水中可居曰州周遠其旁

詩曰在河之州一曰州疇也各疇其土而生之

是則九州之名蓋起於堯矣釋名云州注也郡

國所注仰也禹貢序釋文引春秋說題辭云州

之言殊也王制注云州猶聚也爾雅所釋則殷

九州之疆域也逸周書大匡篇云三州之侯咸
率程典篇云文王合六州之侯奉勤于商商頌
云奄有九有毛傳九有九州也又云帝命式于
九圍毛傳九圍九州也殷有九州皆其證

魯有大野

今高平鉅野縣
東北大澤是也

魯有大野

釋名云魯鈍也國多山水民性樸魯也按爾雅魯兼
徐克二州之地故禹貢大野屬徐州職方屬兗州爾
雅實兼二文也左氏哀十四年傳西狩於大野杜預
注與郭同晉地理志鉅野屬高平國漢志屬山陽郡
史記夏紀集解引書鄭注大野在山陽野北名鉅
野澤今按鉅亦大也元和郡縣志云大野澤一名鉅
野在縣東五里南北三百里東西百餘里水經濟水
注引何承天云鉅野湖澤廣大南通洙泗北連清濟
舊縣故城正在澤中然則
鉅野古縣因藪澤為名也

晉有大陸

今鉅鹿北廣河澤是也

釋名云晉進也又取晉水以為名其水迅進也大陸
者呂氏春秋有始覽及淮南墜形篇竝云晉之大陸
高誘注大陸魏獻子所游焚焉而歿者是也水經清
水注云脩武故甯也魏獻子田大陸還卒於甯大陸
卽吳澤矣魏土地記曰脩武城西北二十里有吳澤
水陂南北二十許里東西三十里左氏定元年傳杜

預注云大陸疑卽吳澤陂近甯是酈注本杜預以吳澤陂爲大陸其地在河內脩武今之獲嘉縣西北春秋時晉之境內左傳晉始啟南陽謂此地也呂覽淮南又云趙之鉅鹿高注以鉅鹿廣阿澤當之其地在今順德府鉅鹿任縣之閒乃趙之境內故別爲趙藪緣鉅鹿亦有大陸之名故郭注本孫炎遂以此爲晉藪誤矣水經濁漳水注又云自甯迄於鉅鹿出於東北皆爲大陸張聰咸曰脩武距鉅鹿南北千里酈元欲聯爲一地乃以淇口當禹貢北過絳水之文故強爲牽合胡氏渭云淇口在黎陽西南距脩武二百餘里信如酈言則河之所經當先大陸而後降水斥其無定見云云是矣孫炎郭璞所云廣阿澤者酈卿注傳誼議阿卽漢志尙書鄭注所指禹貢之大陸呂覽淮南所云趙之鉅鹿矣竝與此違

秦有楊陞

今在扶風
汧縣西

說文云秦伯益之後所封國地宜禾釋名云秦津也其地沃衍有津澗也楊陞者職方冀州藪曰楊紆注

云所在未聞雍州藪曰弦蒲注云在汧漢地理志右
扶風汧北有蒲谷鄉弦中谷雍州弦蒲藪然則漢志
所說與職方同鄭注甚明郭欲以職方之弦蒲當爾
雅之楊誇參差不合其說非矣淮南墜形篇云秦之
陽紆高誘注陽紆蓋在馮翊池陽一名具圍按左氏
僖卅三年傳秦有具圍杜預不注其地如高誘說以
具圍卽具圍錢氏坵說文斟詮云今池陽爲西安府
涇陽縣地並無高原大澤然則高注亦非矣淮南脩
務篇云禹之爲水以身解於陽盱之河穆天子傳云
至于陽紆之山河伯無夷之所都居然則陽紆陽盱
聲雖相近而於爾雅之楊誇都亦無會邵氏正義說
以有始覽云秦之陽華高注陽華在鳳翔或曰在華
陰西以爲近之今按爾雅釋文誇郭鳥花反則與華
音相近似楊誇卽陽華然鳳翔之名非高所得聞錢
氏所謂後人附入者不足依據高引或說以爲在華
陰西亦無的指難以取證後漢郡國志注於弘農郡
華陰下引呂覽及高注於右扶風汧下引爾雅及郭
注亦不以爲一地則邵氏亦失之釋文誇孫於于反

本或作紆字非然則陽紆楊陔非一地明矣攷之諸書既多差舛按之職方又相抵互竊謂爾雅此義當如鄭君之闕疑不當如郭氏之誤注

宋有孟諸

今在梁國睢陽縣東北

釋名云宋送也地接淮泗而東南傾以爲殷後若云澤穢所在送使隨流東八海也孟諸者禹貢作孟豬史記作明都漢志作盟諸職方作望諸鄭注望諸明都也左傳作孟諸與爾雅同諸豬聲同孟望明盟古聲近也元和郡縣志云宋州虞城縣孟諸澤在縣西北十里周迴五十里俗號盟諸澤晉地理志梁國睢陽春秋時宋都漢志故宋國微子所封禹貢盟諸澤在東北是郭所本也睢陽今之歸德府商邱縣也自宋末以來屢遭河浚

藪澤厓岸不可復識

楚有雲夢

今南郡荊容縣東南巴丘湖是也

雲夢者職方云荊州其澤藪曰雲菅鄭注雲菅在華容漢志華容雲夢澤在兩荊州藪司馬相如子虛賦云楚有七澤一曰雲夢雲夢者方九百里是雲夢實一藪也經傳或分言者省文從便耳左氏昭三年傳王以田江南之夢杜預注楚之雲夢跨江南北是則夢亦雲也定四年傳楚子涉睢濟江入于雲中杜注入雲夢澤中是則雲亦夢也楚辭招魂篇云與王趨夢兮課後先王逸注夢澤中也楚人名澤為夢中然則夢中猶雲中矣淮南墜形篇云南方曰大夢高誘注夢雲夢也地理志江夏郡有雲杜即禹貢之雲土杜古字通然則雲土亦夢土矣雲土夢作又史記夏紀及漢志竝變作雲夢土皆得禹貢之意各順文從便耳漢晉華容縣今為荊州府監利石首二縣地郭云巴北湖者太平寰宇記引宋永初山川古今記雲夢澤一名巴北湖是也

吳越之閒有具區

今吳縣南太湖
即震澤是也

吳越者釋名云吳虞也。太伯讓位而不就，歸封之於此。虞其志也。越夷蠻之國，度越禮義，無所拘也。具區者禹貢云震澤底定，職方云揚州其澤藪，曰具區。漢地理志會稽郡吳具區澤，在西揚州藪。古文以為震澤是具區，即震澤。其地在吳，謂之吳越者，有始覽云吳之具區墜形篇。吳作越，高誘注具區在吳越之間。是矣。郭以太湖即震澤者，水經沔水注引虞翻曰：是湖有五道，故曰五湖。韋昭曰：五湖今太湖也。尚書謂之震澤，爾雅以為具區。方圓五百里，郭氏本之。而以太湖震澤為一非也。邵氏正義雖致疑難，終泥舊說。以為吳越水鄉，濤湖汎決，川瀆難悉。此亦依違郭氏之失也。按避暑錄話云：孔氏以太湖為震澤，非是。鬴鬴震澤，誤。周官九州有澤藪，有川有浸。揚州既以具區為澤藪，則震澤即具區也。太湖乃五湖之總名耳。震澤其凡言藪者，皆人資以為利而浸則但水之所鍾也。今平望八尺震澤之閒，水瀰漫而極淺，與太湖相接，而非太湖積潦暴至無以洩之，則溢而害田。所以謂之震他州之澤無水暴至之患，則為一名而

已而具區與三江通塞為利害故二名以別之據葉
夢得言則知震澤與太湖相接而為二太湖有隄漚
之限震澤水極漫淺或溢而害田亦或隄而為田與
太湖純水者形勢自別葉氏生於宋代所見如此今
鳥程有震澤上下二鄉自上方林軋村至南潯鎮皆是
地濱太湖與葉氏所見無異頗疑邵氏吳越之人乃
不能舍太湖而別指具區何歟至於湖澤增減古今
異形顏真卿石柱記稱太湖周四萬八千頃視越絕
書已廣一萬二千頃矣越鰲湖鰲韋昭云方圓五百
百里今康熙間周八百餘里矣鰲湖鰲韋昭云方圓五
年衝厥隄岸變遷然震澤之非
太湖東南人要可目驗而知也

齊有海隅

海濱廣斥

此釋營州之藪海隅者有始覽及墜形篇竝云齊之
海隅高注隅猶崖也蓋近海濱墜形篇又云申池在
海隅高注海隅藪也史記齊世家集解引左思齊都
賦注曰申池在海隅齊藪也是皆本爾雅為說但海

隅是大名申池是其閒小地名縣絡川原佳饒竹樹
故左氏襄十八年傳焚申池之竹木文十八年傳公
游于申池蓋地饒竹木足可娛遊杜預不據申池在
海隅之文乃依京相璠說以齊南城西門名申門左
右有池疑此爲是水涇淄水注反是杜而駁齊都賦
注之非斯皆失矣今自登萊之黃縣掖縣以西歷青
州之壽光樂安以東及武定之海豐利津以北延袤
千餘里間皆海隅之地管子所謂渠展之鹽左傳所
云澤之萑蒲藪之薪蒸蓋胥於是焉或疑十藪皆
舉地名齊藪獨汎指海隅以斯致疑此又非也子虛
賦言齊王畋於海濱與楚之雲夢對舉海濱卽海隅
且雲夢一藪猶方八九百里跨江南北况齊洋洋大
風海隅之藪跨越數郡包絡千餘里何足異也子虛
所稱列卒滿澤罟網彌山驚於鹽浦平原廣澤遊獵
之地皆非虛語然則郭注以海濱廣斥爲言斯爲當
矣張聰咸據胡氏渭禹貢錐指以管子渠展卽爾雅
海隅今以其說未
備因復推廣之耳

燕有昭余祁

今太原鄆陵縣北九澤是也

此釋幽州之數殷之幽州兼周之并州故職方并州其澤數曰昭余祁鄭注昭余祁在鄆漢志太原郡鄆九澤在北是為昭余祁并州藪郭注本此鄆陵字衍也有始覽作燕之大昭墜形篇作燕之昭余無祁字者省文耳今其地在太原府祁縣東七里水經汾水注鄆澤祁藪是也然則祁縣因藪為名釋文祁孫

本作底音之視反蓋

鄭有圃田

今滎陽中牟縣西圃田澤是也

釋名云鄭町也其地多平町町然也圃田者職方豫州藪於西周時在東都畿內故詩東有甫草鄭箋以為圃田之草也
左氏僖卅三年傳鄭之有原圃杜預注以後屬於鄭故是也元和郡縣志云圃田澤一名原圃中牟縣西北七里其澤東西五十里南北二十六里西限長城東